

CONVENIO DE COOPERACIÓN EDUCATIVA ENTRE A CONSELLERÍA DE CULTURA, EDUCACIÓN E ORDENACIÓN UNIVERSITARIA DA XUNTA DE GALICIA E A ASOCIACIÓN DE BULIMIA Y ANOREXIA DE A CORUÑA (ABAC)

En A Coruña, a 5 de xuño de 2017

REUNIDOS

Dunha parte, don **Román Rodríguez González**, conselleiro de Cultura, Educación e Ordenación Universitaria da Xunta de Galicia, segundo o disposto no Decreto 148/2016, do 13 de novembro, polo que se nomea conselleiro de Cultura, Educación e Ordenación Universitaria a Román Rodríguez González, de conformidade coas atribucións conferidas no artigo 34 da Lei 1/1983, do 22 de febreiro, de normas reguladoras da Xunta e da súa Presidencia e no Decreto 146/2016, do 13 de novembro, polo que se establece a estrutura orgánica da Xunta de Galicia.

Da outra, **María Asunción Del Valle Cortiñas**, presidenta da Asociación de bulimia y anorexia de A Coruña, con CIF G15582695, e domicilio social na rúa Begonias 33 baixo, 15008, A Coruña, inscrita no Rexistro Central de Asociacións co número 2014/018498.

EXPOÑEN

1. Que a Consellería de Cultura, Educación e Ordenación Universitaria é o departamento da Xunta de Galicia ao que lle corresponden as competencias e funcións en materia de planificación, regulación e administración do ensino regrado en toda a súa extensión, niveis, graos, modalidades e especialidades, tal e como establece o Decreto 4/2013, do 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria.

2. Que o Decreto 105/2014, do 4 de setembro, polo que se establece o currículo da educación primaria na Comunidade Autónoma de Galicia, e o



Decreto 86/2015, do 25 de xuño, polo que se establece o currículo da educación secundaria obrigatoria e do bacharelato na Comunidade Autónoma de Galicia inclúen o ensino de hábitos de vida saudables (alimentación, hixiene, exercicio físico e descanso) así como de prevención de enfermidades.

3. Que a Asociación de bulimia y anorexia de A Coruña (ABAC) é unha asociación sen ánimo de lucro que ten entre as súas actividades:

1. Atención e información a través dos medios telemáticos (teléfono, Fax, Internet..), orientación e apoio a primeiras visitas, soporte psicolóxico e psiquiátrico individual, familiar ou en grupo.
2. Asistencia do equipo terapéutico a congresos e xornadas que poian ampliar a súa formación.
3. Participación e asistencia dos membros da Xunta Directiva aos principais congresos e xornadas dentro do territorio nacional.
4. Participación na creación da Federación Española de Asociacións contra a Anorexia e a Bulimia.
5. Charlas impartidas polo equipo terapéutico en colexios, institutos e voluntariado.
6. Participación en mesas redondas.
7. Posta en marcha, desenvolvemento e mantemento dun centro terapéutico.
8. Creación da revista "Cuenta conmigo", con participación de pacientes, familia, equipo terapéutico e colaboradores.
9. Creación de trípticos informativos e a súa difusión nos centros educativos, sanitarios, de ocio, etc.
10. Creación e mantemento dunha páxina web.
11. Atención e colaboración cos medios de comunicación (prensa, radio, televisión).
12. Demandar máis e mellores recursos á Sanidade Pública, máis e mellores programas educativos á Educación Pública, máis e mellor Atención Social e impulsar actuacións que teñan como obxectivo mellorar a sociedade.



4. Que o Decreto 229/2011, do 7 de decembro, polo que se regula a atención á diversidade do alumnado dos centros docentes da Comunidade Autónoma de Galicia nos que se imparten as ensinanzas establecidas na Lei orgánica 2/2006, do 3 de maio, de educación, dispón que *“a consellería con competencias en materia de educación promoverá a colaboración entre as distintas administracións, entidades, asociacións e outras organizacións sen ánimo de lucro e con atribucións na prevención, detección temperá e intervención educativa co alumnado, establecendo protocolos comúns de actuación e favorecendo o intercambio de información e a difusión de boas prácticas”*.

En atención a estas consideracións, as dúas institucións teñen a vontade de sumar os esforzos que realizan no campo da prevención dos trastornos da conduta alimentaria (TCA) e da promoción de hábitos de vida saudables.

En consecuencia, a Consellería de Cultura, Educación e Ordenación Universitaria e a Asociación de bulimia y anorexia de A Coruña (ABAC) acordan subscribir este convenio conforme as seguintes

CLÁUSULAS

Primeira. Obxecto do convenio

O convenio ten por obxecto establecer as condicións da colaboración entre a Consellería de Cultura, Educación e Ordenación Universitaria e a Asociación de bulimia y anorexia de A Coruña (ABAC) nas accións e actividades dirixidas á prevención dos trastornos da conduta alimentaria (TCA) e á promoción de hábitos de vida saudables.

Segunda. Persoas beneficiarias

As persoas destinatarias das medidas previstas neste convenio son directamente o alumnado de todas as etapas e niveis regulados pola Lei orgánica 2/2006, do 3 de maio, de educación, escolarizado nos centros docentes dependentes da Consellería de Cultura, Educación e Ordenación Universitaria, así como o profesorado, o persoal dos servizos complementarios, os/as orientadores/as, e as familias ou os representantes legais dese alumnado.



Terceira. Desenvolvemento da colaboración

1. A Consellería de Cultura, Educación e Ordenación Universitaria promoverá na formación permanente do profesorado, que desenvolve por medio das estruturas de formación e nas distintas modalidades formativas, a colaboración da Asociación de bulimia y anorexia de A Coruña (ABAC) nas accións relativas á prevención dos trastornos da conduta alimentaria (TCA) e á promoción de hábitos de vida saudables.

2. A Consellería de Cultura, Educación e Ordenación Universitaria e a Asociación de bulimia y anorexia de A Coruña (ABAC) colaborarán na sensibilización e na difusión de materiais e documentos que permitan un maior coñecemento das circunstancias específicas asociadas aos trastornos da conduta alimentaria (TCA).

3. A Consellería de Cultura, Educación e Ordenación Universitaria facilitará a colaboración da Asociación de bulimia y anorexia de A Coruña (ABAC) cos centros docentes dependentes da Consellería de Cultura, Educación e Ordenación Universitaria na prevención dos trastornos da conduta alimentaria (TCA) e na promoción de hábitos de vida saudables. O persoal da Asociación de bulimia y anorexia de A Coruña (ABAC) deberá ter cumprida a obriga imposta polo artigo 13.5 da Lei orgánica 1/1996, do 15 de xaneiro, de protección xurídica do menor (LOPXM), introducido pola Lei 26/2015, do 28 de xullo, de modificación do sistema de protección á infancia e á adolescencia.

Cuarta. Relacións laborais

A subscrición deste convenio non implica relación laboral contractual ou de calquera outro tipo entre o persoal da Asociación de bulimia y anorexia de A Coruña (ABAC) e a Xunta de Galicia, de tal modo que non se lle poderá esixir ningunha responsabilidade, nin directa, nin indirecta, nin subsidiaria, polos actos ou feitos ocorridos durante a execución das actuacións e/ou a vixencia deste convenio.

Quinta. Comisión de seguimento

1. Para a coordinación e desenvolvemento deste convenio constituirase unha comisión mixta, formada por catro persoas. Cada unha das partes designará





dúas, correspondendo a presidencia e a secretaría da comisión ás persoas representantes da Consellería de Cultura, Educación e Ordenación Universitaria.

2. A comisión reunirse, con carácter ordinario, unha vez cada curso escolar. A reunión terá lugar no primeiro trimestre do curso, logo da convocatoria realizada pola presidencia da comisión.

3. Correspóndenlle á comisión mixta as seguintes atribucións:

a) Velar polo adecuado desenvolvemento do convenio e resolver calquera dúbida que se xere respecto del, sen prexuízo do establecido na lexislación correspondente.

b) Analizar o funcionamento desta colaboración e realizar, de ser o caso, propostas de mellora.

c) Elaborar un informe anual sobre o funcionamento do convenio.

Sexta. Interpretación do convenio

As dúbidas que puidesen xurdir en relación coa interpretación das cláusulas deste convenio, que ten carácter administrativo, serán resoltas pola comisión mixta. En caso de discrepancias, a súa interpretación, cumprimento e execución corresponderá aos tribunais contencioso-administrativos, tralo esgotamento da vía administrativa.

Sétima. Protección de datos e confidencialidade

1. Ambas as partes comprométese a cumprir as obrigas que se derivan da Lei orgánica 15/1999, do 13 de decembro, de protección de datos de carácter persoal, e demais normativa en vigor.

2. No caso de que durante o desenvolvemento deste convenio se puxese de manifesto a necesidade de proceder entre os asinantes a unha cesión ou comunicación de datos de carácter persoal incluídos nos seus respectivos ficheiros, farase de acordo co previsto no Real Decreto 1720/2007, do 21 de decembro, polo que se aproba o Regulamento de desenvolvemento da Lei orgánica 15/1999, de 13 do decembro, de protección de datos de carácter persoal, así como na propia Lei 15/1999.





**XUNTA
DE GALICIA**



**Asociación de
Bulimia y
Anorexia de
A Coruña**

Oitava. *Transparencia*

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia, incluíndo os datos identificativos das persoas asinantes.

Novena. *Vixencia*

Este convenio entrará en vigor o día seguinte ao da súa sinatura e terá duración ata o remate do curso académico 2016/17, sendo prorrogado automaticamente por cursos académicos sucesivos, salvo denuncia expresa dunha das partes asinantes e cunha notificación á outra de dous meses de antelación.

Lido o convenio no lugar e data indicados no encabezamento, atópano conforme, polo que o asinan en triplicado exemplar.

**POLA CONSELLERÍA DE CULTURA,
EDUCACIÓN E ORDENACIÓN
UNIVERSITARIA,**

O CONSELLEIRO,



Román Rodríguez González

**POLA ASOCIACIÓN DE BULIMIA Y
ANOREXIA DE A CORUÑA (ABAC),**

A PRESIDENTA,



María Asunción del Valle Cortiñas